

# PWYLLGOR CRONFA BENSIWN DYFED

**DYDD MAWRTH, 11 HYDREF 2022**

**PRESENNOL** Cynghorydd D.E. Williams (Cadeirydd)

**Cynghorwyr (Yn rhithwir):**

D. Thomas

R. James

**Hefyd yn bresennol (Yn y Siambr):**

C. Moore, Cyfarwyddwr Gwasanaethau Corfforaethol

A. Parnell, Rheolwr Pensiwn a Buddsodiadau Gyllidol

K. Gerard, Rheolwr Pensiwn

M. Owens, Cyfrifydd Cynorthwywr

S. Rees, Cyfieithydd Ar Y Pryd

M.S. Davies, Swyddog Gwasanaethau Democrataidd

**Siambr, Neuadd y Sir, Caerfyrddin ac o bell: 3.20 yp - 4.30 yp**

**1. YMDDIHEURIADAU AM ABSENOLDEB**

Ni chafwyd ymddiheuriadau am absenoldeb.

**2. DATGAN BUDDIANNAU PERSONOL**

Ni ddatganwyd unrhyw fuddiannau personol.

**3. COFNODION CYFARFOD Y PWYLLGOR A GYNHALIWDYD AR 28 MEHEFIN 2022**

**PENDERFYNWYD YN UNFRYDOL** Iofnodi bod cofnodion cyfarfod y Pwyllgor a gynhaliwyd ar 28 Mehefin 2022 yn gofnod cywir.

**4. COFNODION BWRDD PENSIWN CRONFA BENSIWN DYFED 3 MAI 2022**

**PENDERFYNWYD YN UNFRYDOL** dderbyn cofnodion cyfarfod Bwrdd Pensiwn Cronfa Bensiwn Dyfed a gynhaliwyd ar 3 Mai 2022.

**5. MONITRO CYLLIDEB 1 EBRILL 2022 - 30 MEHEFIN 2022**

Derbyniodd y Pwyllgor Adroddiad Monitro Cronfa Bensiwn Dyfed a oedd yn rhoi'r wybodaeth ddiweddaraf am y sefyllfa gyllidebol o ran blwyddyn ariannol 2022/23. Nodwyd bod y sefyllfa bresennol, fel yr oedd ar 30 Mehefin 2022, yn rhagweld tanwariant o £3.9m o ran arian parod.

O ran gwariant roedd tanwariant o £612K oherwydd rhagolygon treuliau rheoli is na'r gyllideb.

O ran incwm, roedd effaith net cyfraniadau ac incwm buddsoddi yn dangos cynnydd o £3.3m, yn bennaf o ganlyniad i ragweld incwm buddsoddi uwch na'r hyn roeddid wedi cyllidebu ar ei gyfer.

Amcangyfrifwyd mai cyfanswm y gwariant cyffredinol oedd £107.2m ac mai cyfanswm yr incwm oedd £111.1m, gan arwain i sefyllfa llif arian gadarnhaol o £3.9m.

**PENDERFYNWYD YN UNFRYDOL dderbyn Adroddiad Monitro Cyllideb Cronfa Bensiwn Dyfed ar gyfer y cyfnod 1 Ebrill 2022 hyd at 30 Mehefin 2022.**

**6. CYSONI ARIAN PAROD FEL YR OEDD AR 30 MEHEFIN 2022**

Bu'r Pwyllgor yn ystyried yr adroddiad Cysoni Arian Parod a roddai'r wybodaeth ddiweddaraf am sefyllfa ariannol Cronfa Bensiwn Dyfed. Nodwyd ar 30 Mehefin, 2022 fod Cyngor Sir Caerfyrddin yn cadw £11.4m o arian parod ar ran y Gronfa ar gyfer gofynion llif arian uniongyrchol i dalu pensiynau, cyfandaliadau a chostau rheoli buddsoddiadau.

**PENDERFYNWYD YN UNFRYDOL dderbyn adroddiad Cysoni Arian Parod Cronfa Bensiwn Dyfed.**

**7. ADRODDIAD GWEINYDDU PENSIYNAU**

Derbyniodd y Pwyllgor adroddiad a roddai ddiweddariad ar Weinyddu Pensiynau. Roedd yr adroddiad yn cynnwys diweddariadau ar y gweithgareddau yn y gwasanaeth Gweinyddu Pensiynau ac roedd yn cynnwys materion rheoleiddiol, prisio, datganiadau buddion blynyddol, y gofrestr torri rheolau, i-Connect, cysoniad GMP a llif gwaith.

**PENDERFYNWYD YN UNFRYDOL nodi'r Adroddiad Gweinyddu Pensiynau mewn perthynas â Chronfa Bensiwn Dyfed.**

**8. ADRODDIAD TORRI AMODAU 2022-2023**

Cafodd y Pwyllgor Adroddiad Torri Amodau, mewn perthynas â Chronfa Bensiwn Dyfed, i'w ystyried. Nodwyd bod Adran 70 o Ddeddf Pensiynau 2004 yn pennu'r ddyletswydd gyfreithiol i riportio achosion o dorri'r gyfraith. Mae Côd Ymarfer rhif 14, paragraffau 241 i 275, a gyhoeddwyd gan y Rheoleiddiwr Pensiynau ym mis Ebrill 2015, yn rhoi cyfarwyddyd ynghylch riportio'r achosion hyn o dorri'r gyfraith.

Cafodd Polisi Torri Amodau Cronfa Bensiwn Dyfed ei gymeradwyo gan Banel Cronfa Bensiwn Dyfed ym mis Mawrth 2016. O dan y polisi, roedd yn ofynnol i achosion o dorri'r gyfraith gael eu hadrodd i'r Rheoleiddiwr Pensiynau os oes achos rhesymol i gredu'r canlynol:

- na chydymffurfir – neu na chydymffurfiwyd – â dyletswydd gyfreithiol sy'n berthnasol i'r gwaith o weinyddu'r cynllun;
- bod yr anallu i gydymffurfio yn debygol o fod o arwyddocâd sylweddol i'r Rheoleiddiwr wrth iddo arfer unrhyw un o'i swyddogaethau.

Nododd y Pwyllgor fod nifer o achosion wedi bod ers y cyfarfod diwethaf lle nad oedd cyfraniadau gweithwyr/cyflogwr wedi'u derbyn ar amser. Nid oedd unrhyw adroddiad wedi'i anfon at y Rheoleiddiwr Pensiynau gan nad oedd unrhyw oblygiadau i'r achosion hynny o dorri'r rheolau.

**PENDERFYNWYD YN UNFRYDOL nodi'r Adroddiad Torri Amodau mewn perthynas â Chronfa Bensiwn Dyfed.**

**9. COFRESTRE RISG**

Rhodddwyd gwybod i'r Pwyllgor fod y Gofrestr Risg yn ddogfen waith a oedd yn tynnu sylw at holl risgiau a nodwyd mewn perthynas â swyddogaethau Cronfa

Bensiwn Dyfed. Dywedwyd bod y gofrestr risg wedi'i hadolygu ac nad oedd unrhyw newidiadau i risgiau unigol wedi'u nodi ers cyfarfod blaenorol y Pwyllgor. Roedd y ddogfen wedi'i diwygio er mwyn tynnu sylw at y risgiau fel rhai gweithredol a strategol. Byddai'r risgiau yn parhau i gael eu hadolygu'n chwarterol, a byddai unrhyw newidiadau yn cael eu dwyn at sylw'r Pwyllgor.

**PENDERFYNWYD YN UNFRYDOL gymeradwyo adroddiad y gofrestr risg.**

**10. CYNLLUN HYFFORDDI 2022-2023**

Derbyniodd y Pwyllgor y Cynllun Hyfforddi ar gyfer 2022-2023, i'w ystyried, a oedd yn darparu manylion am gyfarfodydd, digwyddiadau hyfforddi a'r aelodau a'r swyddogion y rhagwelwyd y byddent yn mynychu'r digwyddiadau.

**PENDERFYNWYD YN UNFRYDOL gymeradwyo'r Cynllun Hyfforddi ar gyfer cyfnod 2022-23.**

**11. PARTNERIAETH PENSIWN CYMRU - DIWEDDARIAD Y GWEITHREDWR**

Cafodd y Pwyllgor adroddiad diweddar ar gerrig milltir a chynnydd Partneriaeth Pensiwn Cymru (PPC) gan gynnwys yr Is-gronfeydd canlynol:-

- Cyfran 1 – Ecwiti Byd-eang
- Cyfran 2 – Ecwiti'r DU
- Cyfran 3 – Incwm Sefydlog
- Cyfran 4 – Marchnadoedd Datblygol

**PENDERFYNWYD YN UNFRYDOL dderbyn y diweddariad gan Link a Russel ynghylch Partneriaeth Pensiwn Cymru.**

**12. AILSTRWYTHURO ECWITI CAM III**

Ystyriwyd adroddiad Ailstrwythuro Ecwiti Cam III. Yn flaenorol, roedd y Pwyllgor wedi cytuno ar ailstrwythuro'r portffolio ecwiti ym mis Mawrth a mis Rhagfyr 2021 (gan gynnwys portffolio ecwiti byd-eang BlackRock, pontio buddsoddiadau Twf Byd-eang Baillie Gifford i strategaeth Global Alpha Paris Aligned gan Baillie Gifford, a'r gostyngiad mewn ecwiti i gynyddu dyraniadau i Schrodgers (Eiddo) a BlackRock (Cronfa Incwm Amgen Strategol).

Nod trydydd cam yr ailstrwythuro ecwiti oedd rhesymoli'r portffolios ecwiti rhanbarthol etifeddiaeth, gan leihau'r ôl troed carbon a pharhau â'r cynnydd ar gyfuno.

**PENDERFYNWYD YN UNFRYDOL fod y dyraniad o 5% o Is-gronfa Ecwiti Cynaliadwy Partneriaeth Pensiwn Cymru yn cael ei gymeradwyo.**

**13. GORCHYMYN I'R CYHOEDD ADAEL Y CYFARFOD**

**PENDERFYNWYD YN UNFRYDOL, yn unol â Deddf Llywodraeth Leol 1972, fel y'i newidiwyd gan Orchymyn Llywodraeth Leol (Mynediad at Wybodaeth) (Amrywio) (Cymru) 2007, orchymyn i'r cyhoedd adael y cyfarfod tra oedd yr eitemau canlynol yn cael eu hystyried, gan fod yr adroddiadau'n cynnwys**

gwybodaeth eithriedig fel y'i diffiniwyd ym mharagraff 14 o Ran 4 o Atodlen 12A i'r Ddeddf.

**14. ADRODDIAD PERFFORMIAD A RISG YMGYNGHORYDD BUDDSODDI ANNIBYNNOL 30 MEHEFIN 2022**

Yn sgil gweithredu'r prawf budd y cyhoedd PENDERFYNWYD YN UNFRYDOL, yn unol â'r Ddeddf y cyfeiriwyd ati yn eitem rhif 13 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn debygol o achosi niwed ariannol i'r Gronfa Bensiwn ac o niweidio trafodaethau parhaus a thrafodaethau'r dyfodol.

Ystyriodd y Pwyllgor Adroddiad yr Ymgynghorydd Buddsoddi Annibynnol, a roddai wybodaeth mewn perthynas â pherfformiad y rheolwr buddsoddiadau ar gyfer pob chwarter, pob 12 mis a chyfnodau treigl o 3 blynedd, gan ddod i ben ar 30 Mehefin 2022.

Roedd yr adroddiad hefyd yn cynnwys cefndir y farchnad fyd-eang a materion i'w hystyried.

**PENDERFYNWYD YN UNFRYDOL nodi Adroddiad yr Ymgynghorydd Buddsoddi Annibynnol fel yr oedd ar 30 Mehefin 2022.**

**15. ADRODDIAD PERFFORMIAD NORTHERN TRUST 30 MEHEFIN 2022**

Yn sgil gweithredu'r prawf budd y cyhoedd PENDERFYNWYD YN UNFRYDOL, yn unol â'r Ddeddf y cyfeiriwyd ati yn eitem rhif 13 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn debygol o achosi niwed ariannol i'r Gronfa Bensiwn ac o niweidio trafodaethau parhaus a thrafodaethau'r dyfodol.

Ystyriodd y Pwyllgor adroddiad perfformiad Northern Trust ar gyfer Cronfa Bensiwn Dyfed fel yr oedd ar 30 Medi 2022 a oedd yn nodi dadansoddiad o berfformiad o ran lefel y gronfa gyfan a chan y rheolwr buddsoddi am y cyfnodau ers i'r gronfa gychwyn.

**PENDERFYNWYD YN UNFRYDOL dderbyn adroddiad perfformiad Northern Trust ar gyfer Cronfa Bensiwn Dyfed fel yr oedd ar 30 Mehefin 2022.**

**16. ADRODDIADAU'R RHEOLWR BUDDSODDI AR 30 MEHEFIN 2022**

Yn sgil gweithredu'r prawf budd y cyhoedd PENDERFYNWYD YN UNFRYDOL, yn unol â'r Ddeddf y cyfeiriwyd ati yn eitem rhif 13 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn debygol o achosi niwed ariannol i'r Gronfa Bensiwn ac o niweidio trafodaethau parhaus a thrafodaethau'r dyfodol.

Rhoddodd y Pwyllgor ystyriaeth i adroddiadau rheolwyr buddsoddi a oedd yn nodi perfformiad pob rheolwr fel yr oeddent ar 30 Mehefin 2022.

- BlackRock – Adroddiad Chwarterol 30 Mehefin 2022
- Schroders - Adroddiad Buddsoddi Ch2 2022
- Grŵp Partneriaid - Cyllid Chwarterol Ch2
- Cronfa Tyfu Byd-eang Partneriaeth Pensiwn Cymru – 30 Mehefin 2022
- Cronfa Credyd Byd-eang Partneriaeth Pensiwn Cymru – 30 Mehefin 2022

**PENDERFYNWYD YN UNFRYDOL dderbyn adroddiadau'r rheolwr buddsoddi ar gyfer Cronfa Bensiwn Dyfed.**

---

**Y CADEIRYDD**

---

**DYDDIAD**